



SIARAN MEDIA

Untuk Siaran Segera

mySalam Umum Bakal Lancarkan Kahoot! FinLit Challenge dalam Percubaannya Memecah Rekod Dunia di Karnival 3K

Tingkatkan literasi kewangan komuniti, pelbagai pengisian Karnival 3K disambut meriah.

27 September 2025, Johor – mySalam, skim perlindungan takaful nasional untuk komuniti B40 yang diuruskan oleh Great Eastern Takaful Berhad (GETB) meneruskan komitmennya dalam memperkasakan masyarakat melalui pendekatan menyeluruh yang merangkumi kewangan, kesihatan dan kebajikan menerusi penganjuran Karnival 3K edisi ketiga yang telah berlangsung di Sekolah Kebangsaan Bandar Pontian, Johor pada hari ini. Karnival yang dirasmikan oleh YB Tuan Ling Tian Soon, Pengerusi Jawatankuasa Alam Sekitar Negeri Johor dan ADUN Yong Peng ini dianjurkan untuk menyantuni masyarakat B40 melalui pelbagai aktiviti yang menyentuh aspek literasi kewangan, kesihatan dan kebajikan secara inklusif dan berimpak tinggi.

Inisiatif ini mencerminkan usaha berterusan mySalam dalam memperkukuh daya tahan kewangan masyarakat B40 selain meningkatkan kesedaran mengenai skim mySalam. Sejak dilancarkan pada tahun 2019 sehingga 31 Ogos 2025, mySalam telah membantu seramai 1.77 juta penerima manfaat dan membayar tuntutan manfaat perlindungan sebanyak RM1.27 bilion. Bagi membolehkan lebih ramai rakyat Malaysia mendapat perlindungan sewajarnya, tarikh tutup penghantaran tuntutan bagi kelayakan tahun 2024 telah dilanjutkan sehingga Disember 2025.

Antara tarikan utama karnival ini ialah *Financial Squid Game*, yang merupakan aktiviti interaktif yang direka khas untuk menyampaikan ilmu kewangan secara kreatif dan berkesan kepada para pelajar. Selain itu, pengunjung turut berpeluang untuk mendapatkan pemeriksaan kesihatan percuma, jualan Rahmah, sesi literasi kewangan kanak-kanak, cabutan rezeki serta pelbagai lagi aktiviti kemasyarakatan seperti pertandingan nyanyian, sukan digital dan perlawanan ragbi.

mySalam turut mengambil peluang untuk mengumumkan satu inisiatif terbaharu yang akan dilancarkan iaitu **Kahoot! Bijak Wang Challenge** yang bakal menyaksikan satu percubaan untuk mencipta rekod dunia bagi cabaran kuiz literasi kewangan terbesar ¹ yang pernah dianjurkan di Malaysia.

Menurut En. Syuhaib Ithnin, Ketua mySalam di Great Eastern Takaful, “Kami menasarkankan seramai 10,000 peserta yang berusia 13 tahun ke atas akan menyertai kuiz literasi kewangan ini yang bakal berlangsung pada 14 hingga 16 November 2025 di Queensbay Mall, Pulau Pinang bersempena Karnival Celik Kewangan anjuran Financial Education Network (FEN) dan Bank Negara Malaysia. Kami percaya bahawa pendekatan

¹ Berdasarkan kenyataan di laman sesawang Kahoot! yang mencatatkan jumlah peserta Kahoot! terbanyak pada satu-satu masa setakat ini adalah seramai 4,092 pemain ([World's biggest kahoot | Kahoot! record](#))

yang menarik dalam memberi kesedaran pengurusan kewangan adalah penting dan melalui pendekatan gamifikasi ini, peserta akan diuji dalam pelbagai aspek kewangan seperti pengurusan risiko, perancangan kewangan, dan perlindungan tambahan.”

Selain itu, sebanyak 300 bakul makanan bernilai RM12,000 akan disumbangkan kepada keluarga asnaf hasil kerjasama antara Malaysian Takaful Association dan mySalam. Sumbangan buku bernilai RM10,000 daripada Financial Services Library, Bank Negara Malaysia turut disalurkan bagi memperkukuh budaya membaca dan celik kewangan dalam kalangan pelajar.

Karnival 3K ini dianjurkan dengan kerjasama pelbagai pihak termasuk Kementerian Kewangan, Great Eastern Takaful, Malaysian Takaful Association, Financial Education Network (FEN), Agensi Kaunseling dan Pengurusan Kredit (AKPK), Lembaga Hasil Dalam Negeri (LHDN), myKawan, PeKa B40, Pejabat Kesihatan Daerah Pontian dan Persatuan Ibu Bapa dan Guru (PIBG) SK Bandar Pontian.

-TAMAT-

MENGENAI mySalam

mySalam ialah skim perlindungan takaful PERCUMA yang disediakan oleh kerajaan kepada komuniti B40 di Malaysia. Skim ini adalah di bawah seliaan Kementerian Kewangan Malaysia dengan pembiayaan Tabung Amanah mySalam dan pengurusannya dikendalikan sepenuhnya oleh Great Eastern Takaful Berhad.

Skim Perlindungan Takaful mySalam telah diperkenalkan dengan pengoperasian selama lima tahun, bermula pada tahun 2019 sehingga 2023. Susulan maklum balas positif yang diterima, pihak kerajaan telah bersetuju untuk melanjutkan skim ini sehingga tahun 2025.

MENGENAI GREAT EASTERN TAKAFUL BERHAD

Great Eastern Takaful Berhad adalah syarikat usaha sama antara i Great Capital Holdings Sdn Bhd (i-Great), anak syarikat Great Eastern Holdings Limited dan Koperasi Angkatan Tentera (M) Berhad. Sejak ditubuhkan pada tahun 2010, Great Eastern Takaful komited dalam menyediakan produk perlindungan takaful keluarga komprehensif yang memberi perlindungan kesihatan dan kewangan patuh syariah dalam usahanya untuk merapatkan jurang perlindungan di kalangan rakyat Malaysia, termasuk kumpulan berpendapatan rendah (B40). Menzahirkan pendekatan Takaful untuk Semua, operasi perniagaan GETB disokong oleh pelbagai saluran pengedaran, rakan perniagaan korporat dan perbankan untuk terus mengukuhkan kedudukannya dalam industri dan memenuhi keperluan perlindungan para pelanggan.

Melangkaui operasi perniagaan, Great Eastern Takaful juga giat menjalankan pelbagai inisiatif tanggungjawab sosial yang memfokuskan pendidikan (GET-Pintar), pembangunan komuniti (GET-Care) dan kelestarian alam sekitar (GET-Green) demi membantu masyarakat memperoleh kualiti hidup yang lebih baik.

Aspirasi Great Eastern Takaful untuk mencapai kejayaan bersama rakyat Malaysia adalah terbukti melalui pelbagai anugerah dan pengiktirafan tempatan dan antarabangsa. Antara pengiktirafan terkini adalah anugerah “Pengendali Takaful Terbaik Malaysia 2022” oleh Global Business Outlook Awards dan pada tahun 2023, Great Eastern Takaful diiktiraf sebagai “Most Valuable Brand – Takaful Solutions” oleh The BrandLaureate BestBrands Awards, “Penyedia Penyelesaian Takaful Terbaik” oleh Global Islamic Finance Awards (GIFA) serta pelbagai anugerah Takaful Star Awards oleh Persatuan Takaful Malaysia. Tahun 2024 menyaksikan Great Eastern Takaful diperakui sebagai “Majikan Terbaik” oleh Anugerah Majikan Terbaik Kincentric, dianugerahkan sebagai “Penyedia Penyelesaian Takaful Terbaik” oleh Global Islamic Finance Awards (GIFA), diiktiraf dengan “Anugerah Inisiatif – Upcycling” oleh ESGBusiness Awards di samping menerima beberapa anugerah lain daripada HR Excellence

Awards 2024. Untuk maklumat lanjut, sila layari www.greateasterntakaful.com. Great Eastern Takaful juga merupakan ahli PIDM.

Pihak Kerajaan juga telah melantik Great Eastern Takaful sebagai pengurus skim mySalam, yang merupakan skim perlindungan kesihatan nasional yang dikawalselia oleh Bank Negara Malaysia.

Untuk keterangan lanjut, sila hubungi:

Mastura Abd Rahim

Penolong Naib Presiden – Penjenamaan & Komunikasi Korporat

Great Eastern Takaful Berhad

Tel: +6016 - 209 234

E-mel: MasturaAbdRahim@greateasterntakaful.com